



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Ad amorem Deum.

**urn:nbn:de:hbz:466:1-13534**

Imperium crudele, sed indulgentia mitis,  
 Quin mite imperium, sed sine lege puer.  
 Sed sine mente deus, procul hinc discedat amator.  
 Solus amor puer est, sola tyrannis amor.

## AD AMOREM DEVM.

Nulla puer sunt tela tibi, non flexilis arcus,  
 Deq; tuonullus vulnere sanguis abit.  
 Pax colitur, coliturq; torus, castiq; penates,  
 Et genus & soboles, munus id omne tuum.  
 Tu vincis animos hominum, tu pectora iungis.  
 Iungis & hinc iuuenes, iungis et inde senes.  
 Non puerile tibi ingenium, aut uariabile numen.  
 Nec uolucres alæ, nec leuis aura placet.  
 Sed constans, sed certa fides, concursq; uoluntas,  
 Scriptaq; sub certa fœdera lege probas,  
 Nec mens cæca tibi est, cæco seu spicula iactu  
 Moliris, cæcum seu meditaris opus.  
 Omnia certa uides, sunt omnia nota uidenti.  
 Nil tibi cum tenebris, nil tibi cum latebris.  
 Solus amor uidet in tenebris, in luce uagatur,  
 Solus & ignotas nouit inire uias.  
 Solus ubi est iter in biuio, discernit utrunq;  
 Nulla illi ignota est semita. nulla uia.  
 Perstat, & infixis alte radicibus hærens  
 Crescit, & ipse suas sedulus auget opes.  
 Nec uolucres pennas pernicibus explicat alis,  
 Sed manet, & stabili perstat ubiq; pede.  
 Non igitur puer est amor, incinctus ue pharetra,  
 Nec pennas nudus, cæca ue tela quatit.

ERIDANORVM

Sed deus est qui corda hominum, qui pectora mulcet,  
 Et mulcet gratis illaq; & illa modis.  
 Quiq; puellarum mentes regit, & regit artem,  
 Et thalami sanctas sancit amicitias.  
 Nam quodcunq; in amore malum quodcunq; molestum  
 De uitij hominum semina certa trahit.  
 Hinc iuuenes, illinc peccant & utrinq; puellæ,  
 Vt contra nequeat sistere solus amor.  
 Hinc puer, hinc arcu, facibusq; armatus, & ignis  
 Et cæca spargit spicula cæca manu.  
 Blande puer, deus ipse, deus facilisq; potensq;  
 Salue amor, & generis conciliator aue.

DE PALMA Bitontina & Hydruntina.

**b** Rundusii latis longe uiret ardua terris  
 Arbor Idumæis usq; petita locis.  
 Altera Hydruntinis in saltibus æmula Palma  
 Illa uirum referens, hæc muliebri decus.  
 Non uno creuere solo, distantibus agris.  
 Nulla loci facies, nec socialis amor.  
 Permanfit sine prole diu, sine fructibus arbor.  
 Vtraq; frondosis & sine fruge comis.  
 At postquam patulos fuderunt brachia ramos,  
 Cœpere & cælo liberiore frui.  
 Frondosisq; apices se conspexere, uirique  
 Illa sui uultus, coniugis ille suæ.  
 Hausere & blandum uenis sitientibus ignem,  
 Optatos foetus sponte tulere sua.  
 Ornarunt ramos gemmis, (mirabile dictu,)  
 Impleuere suos mille liquente fauos.